

中國方志叢書・華中地方・第八三〇號

據

清・孟昭等修，黃祐等纂
清乾隆二十四年刊本

影印

江 西 省

建昌府志



成文出版社有限公司印行

建昌府志卷三十八

人物傳二

邱稅 蔡柟 饒廷直 曾恬兄 李浩

張大經 徐公祿 劉甌瑞 黃文昌 雷豐

童宗說黃縣忠 曾炎祖縵父協從弟 游少游 黃文晟子柟椿

曾季狸 曾極父 彭玉壺 朱嘉言 傅夢泉聖謨等

鄧約禮 包揚兄 劉思忠弟 何坦 趙師嶠

陳策 曾造 曾漸 聶子述 劉恭從兄伯文

鄧遠 利元吉 湯周 張衍 朱夢吉

黃樞子 陶贊仲 傅挺 李秋芳 李檝

曾允 張自明嚴燦 胡有弼 李萬 趙崇侯黃密

鄧均

周

良

熊

江

聶

猷

童

伯

虞

劉

李

溥

江仁甫

吳

仲

包

恢

趙

崇

嶠

趙

崇

梅鼎

陳

宗

道

孫

瑞

蒙

傳

自得

黃

載

黃應龍

趙

與

植

陳

宗

禮

趙

必

留

張

淵

微

劉

揆

陳

堯

舉

車

東

譚

趙

繼

善

黃文雷

登

曾

淵

子

謝

師

聖

何

行

何

洲

魯

唯

蕭

雷

龍

江

沁

歐

其

范

禮

謝

升

孫

元

鄧

德

秀

易

士

英

魯

蕞

李

淞

吳

楚

材

登

張

日

中

魯

頴

瑞

傅

汝

舟

趙

良

驂

聶

銖

魯

有

富

劉

黃

叔

美

揭

純

佐

建昌府志卷三十八

人物傳二

宋

邱稅字爲高南豐人補入太學時方宗王氏新經稅惟尙理義故不遇建炎間伏闕上書乞徙都金陵以圖恢復詔免文解繼又冠鄉舉不第歸而教授生徒其嗜古好文愛國憂時之心往往見於篇翰著有議古集感寓文類詩解義

各二十卷

州志

蔡柟字堅老自南城徙南豐負才氣有詩名與曾公衮呂居仁唱和甚盛嘗謁韓子蒼令賦新荷柟卽吟曰朱闌橋下水平池四面無風柳自垂疑是水仙吟意懶碧羅箋卷未

題詩駒大稱賞宗派諸賢皆推之乾道庚寅以壽終有雲

壑隱居集三卷浩歌集一卷板藏南安書庫

州志

旣廷直字朝弼南城人紹興壬子進士歷官鄧州通判十一

年攝州事值宋金講和以唐鄧二州割畀金人迫取鄧甚

急而廷直以未得朝命堅守不下勢岌岌乃使人間道賁

表上臨安以手染血印之語淋漓痛切遂自刎而死廷直

學問該博嘗作將鑑論百篇後八十年包恢得其手錄遺

稿於黃應龍稱其當天理而不悖兵法爲奇書云

通志

按一統志援正德志所載列廷直於仙釋其說云廷直

嘗過武昌遊黃鶴樓遇異人授以秘訣自是不邇妻妾

倏然端居後爲鄧州通判卒其柩還鄉里者覺甚輕蓋

尸解也孫奎曲澗稿辨之曰廷直死義乃金人之所惡
况其妻子俱不在傍則棄諸溝壑必矣其後更草事定
將佐思其德而憫其忠不免爲之具衣棺招魂殯焉及
柩歸昇者覺輕亦其宜耳議者因其平日有黃鶴樓遇
異人之詩遂附以尸解之說則是舍其忠義之大節而
徒得乎怪誕之虛名不可慨哉

明縣志原
跋節錄

曾恬字伯智南豐人祖肇諸孫多顯者恬與兄慥悟尤以節
義文章著恬少事龜山楊時上蔡謝良佐得存心養性之
旨紹興十年試中博學鴻詞科累官大宗正丞秦檜當國
士皆求媚以取要官恬獨自守無所詘輯孝行類要二卷
龜山爲之序慥字端伯進士官虔州帥荆渚日選本朝月

寇萊公以次至僧璉二百餘家詩爲皇宋詩選博采旁搜
拔尤取穎又著樂府雅詞拾遺集仙傳自叙類說道樞行
於世悟自有傳

事文類聚
文獻通考

李浩字德遠南城人早有文稱紹興十二年擢進士第時秦
熺以宰相子魁多士同年皆見之或拉浩行毅然不往調
饒州司戶參軍襄陽府觀察推官連丁內外艱繼調金州
教授改太常主簿尋兼光祿寺丞輪對首陳無逸之戒且
言宿衛大將楊存中恩寵特異待之過非其福上悟旋令
就第自秦檜用事塞言路及上總攬權綱激厲忠讜命百
官轉對浩與王十朋馮方查籥胡憲始相繼言事聞者興
起孝宗卽位以太常丞召未幾宰相召爲郎者四人將進

用之尤屬浩浩嘿然無一辭同舍皆遷浩獨如故乞外得
台州明年除司農少卿會大理奏結他獄上顧輔臣曰棘
守官須得剛正如李浩者已而卿缺遂除大理卿浩前在
司農嘗因面對陳經理兩淮之策至是爲金使接伴還奏
曰臣親見兩淮可耕之田盡爲廢地心嘗痛之條畫營屯
以爲恢復根本又言措置邊事甚張皇願戒將吏嚴備禦
無規微利近功日與大臣修治兵結人心持重安靜以俟
敵虜上悉嘉納以直寶文知靜江府兼廣西安撫治靈渠
通漕運及灌溉民賴其利安平曾特險謀聚兵爲邊患浩
遣單使諭以禍福赦自新即日焚徹木柵聽太府約束治
廣二年召還入對論俗不美者八其言曰陛下所求者規

諫而臣下專務迎合所貴者執守而臣下專務順從所惜者名器而僥倖之路未塞所重者廉耻而趨附之門尙開儒術可行而有險誡之徒下情當盡而有壅蔽之患期以氣節而偷情者得以苟容責以實效而誕慢者得以自售上問誕慢謂誰浩具以實對翌日謂宰相曰李浩直諫遂除權吏部侍郎政府有怙寵竊權者曠諫議大夫姚憲論之未及正謝而罷乾道九年提舉太平興國宮明年夏夔路闕帥命浩以秘閣修撰罷其行踰年以疾請祠提舉玉隆萬壽宮命未至卒詔特贈集賢殿修撰浩天資質直涵養渾厚不以利害動其心少力學爲文辭及壯益沉潛理義立朝慨然以時事爲己任忠憤激烈言切時弊以此見

忌於衆平居未嘗假人以辭色不知者以爲傲或譖於上前上謂斯人無他在朕前亦如此非爲傲者小人憚之誘以祿利正色不圓謀害之者無所不至獨賴上察其衷始終全之爲郡尤潔已自海右歸不載南海一物平生奉養如布衣時風裁素高人不改干以私云

宋史本傳

張大經字彥文南城人紹興十五年進士第宰吉之龍泉有善政諸司列薦賜對便殿出知僑興時兩淮監司帥守多興事邀功大經獨以平易近民咸德之提舉湖南常平提點湖北刑獄尋移江東他路有巨豪犯法獄久不竟命移屬大經豪挾權勢求脫大經卒正其罪孝宗重風憲之選命條上部使者十人上獨可大經召見上曰朕十人

中得卿一人以卿風力峻整遂除監察御史命下中外聳
歎大經首陳士風招克媮惰誕慢浮虛四弊遷大理少卿
守殿中侍御史言今日不治由大臣不任責又言諸路荒
政不實飛蝗頗多願益加恐懼申飭大臣俾內而百官有
司輸忠讜修厥職外而監司守臣察貪理冤去苛斂寬民
力皆嘉納因論近習韓俱薦士上曰此亦無害昔楊得意
爲狗監亦嘗薦司馬相如大經奏彼何人斯使得薦士將
恐無廉耻者望風希旨傷毀士俗後數日上謂大經曰卿
前所論韓俱朕思之誠是人也又論宦者董璉暴橫將命
淮甸所至誅求且自號董閹羅上即斥璉竄南康軍除侍
御史大經遂言士風未厚吏治未肅民力未蘇和氣未應

皆由人心未正願察公正明義利以新好惡抑浮薄去貪
刻則莫不靡然洗濯一歸於正上稱善再三又言有司治
民之本不可限以資格上納其言卽選四寺丞同時臨遣
試右諫議大夫兼侍講請通漕臣之計以補州郡之有無
拘戶絕之租以廣常平之儲待嚴賊罪改正法以懲貪黷
收外路辟闕歸吏部以杜私謁而通孤寒秋旱詔求言大
經極言人心不和有致之民力竭而愁嘆多軍士貧而
怨嗟衆二者當今大弊州縣之間絹帛多折其估米粟過
收其贏關市苛征權酷峻禁中外兵帥多出貴倖之門營
利自豐素召衆怨教閱滅裂軍容不整且近習甲第名園
越法踰制在在有之非賂遺何以濟欲願陛下疎斥儉腐

抑絕倖門垂意人主之職責成宰輔一提其綱則天下事
必有能辨之者俄而地司郝政降充統制官殿帥補外益
用其言也除禮部尙書兼侍讀大經屢請祠上曰卿公廉
必能爲朕牧民以徽猷閣學士知建寧府未幾移鎮紹興
辭不拜予祠進龍圖閣學士以通政大夫致仕方主眷未
衰抗疏引去人方之孔戣壽逾八袞紹熙五年寧宗卽位
進正議大夫降詔撫問賜銀奩藥茗慶元四年七月疾革
語諸子曰吾目可瞑吾愛君憂國之心不可泯無一語及
私卒年八十九訃聞上甚悼之贈銀青光祿大夫諡簡肅

宋史
本傳

徐公祿南城人由薦官至團練使讀書能吟尙氣節凡設施

初若不經意而事必有成或問其故答曰大丈夫作官惟
一公則其長立見不然雖多材無取人賢其言

景泰志

劉號瑞字光祖新城人大理寺丞扶之曾孫舉紹興進士學

問優贍辭致高雅秉禮陳制風義凜然陞刑部侍郎蒞政

明慎時論重之進龍圖閣直學士封彭城郡侯

明統志縣志

黃文昌字永叔南豐人父鉞祖俯俯弟仰皆進士鉞官朝奉

大夫知南雄州文昌登紹興十八年進士第調贛縣主簿

時寇訐後械繫通賦者衆文昌語宰曰彼繫於官錢何由

辦請以屬文昌苟月解不及願爲償也宰許之文昌呼囚

破械得其情蓋所逋本不多以簿書經兵燹無攷證吏勒

重輸故也文昌惻然爲給寬限徵實逋繫者俱得釋遠近

盛勳月納萬緡贛兵官趙不柔縱卒掠市守不能制會元
夕觴客守預屬文昌譔樂語是日入謁袖有文書守意樂
語也出之乃奏章列不柔罪狀守愕然卒劾上不柔知之
揚言燈夕遣卒害文昌或危之文昌曰若果殺人則畏人
知揚言詐也洞開內外門列燭治事果無他不柔竟罷民
以安用薦除樞密院編修官以卒弟文晟子樞皆有傳

州志

雷豐南城人事母以孝聞登紹興辛未進士歷任湖湘淳熙

中知贛州興國縣謹慎清儉勤政務興學校士民懷其惠

立生祠祀之官至歸州守祀贛名宦

贛州志

童宗說字夢弼南城人紹興辛未進士歷官袁州教授戊寅
胡舜舉知建昌軍纂輯志乘以其事屬宗說及黃敷忠名

曰盱江志凡十卷是爲郡志之祖在袁又撰宜春州志十卷蒐求盧肇文標集鄭谷雲臺編序而梓之以爲州人勸盱江宜春二志俱入秘府又有柳文音註行世極其審博稱善本

文獻通攷
袁州志

曾炎字南仲南豐人肇曾孫少入太學登隆興進士第調海陵尉常親捕劇盜數十人法應厚賞貽書理官謂兵革甫定宜有縱舍犯者多得末減臺郡高之論薦遷徽州教授改知江寧縣以最聞召赴都堂審察差幹辦諸司糧料院明裡恩賜五品服知池州召對除戶部郎中充金國賀正旦使旣被命適有憲聖太后之喪值禮之變炎隨事酬酢不辱命直敷文閣爲福州轉運判官嘉泰初累官刑部侍郎

鄧爲言者所中詔與宮觀嘉定初起知夔州改太平擢集
英殿修撰移廬州運章辭疾以通奉大夫告老卒年七十
一進光祿大夫封曲阜開國子寓居湖州德清縣有覺庵
集二十卷祖纁明春秋工古文仕至舒州推官父協知永
州有雲莊曾史君集從弟暎仕至吏部尙書封臨川郡侯
爲張敬夫真西山所重

州志

游少游字希卿南豐人隆興元年第進士又試中教官科爲
贛州教授攝永興令郡吏督賦語侵少游叱曰剥民之政
吾不忍爲命予杖守聞而賢之逮吏去宗室武斷者少游
一繩以法由是豪猾斂迹臺郡交薦知廬陵縣有勢家與
民爭水利至闕死郡欲右勢家又有盜誣執富民縣鞠實